

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
KANTONALNO TUŽILAŠTVO  
ZENIČKO – DOBOJSKOG KANTONA

Broj: T04 0 KT 0059019 24  
Zenica, 15.06.2026. godine

OPĆINSKOM SUDU U KAKNJU  
- Sudiji za prethodno saslušanje -

Na osnovu člana 45. stav 2. tačka h) u vezi sa članom 350., člana 241. stav 1. Zakona o krivičnom postupku Federacije Bosne i Hercegovine (ZKP F BiH),  
p o d i ž e m

OPTUŽNICU

*Protiv:*

A. D., neosuđivan,

*da je:*

dana 07.06.2024. godine, oko 13,55 sati, u K., u ulici A., upravljajući vozilom marke ... vlasništvo Društva ... iz nehata, kao učesnik u saobraćaju na putevima ne pridržavajući se saobraćajnih propisa time tako ugrozio javni saobraćaj da je doveo u opasnost život ljudi uslijed čega je prouzrokovana teška tjelesna povreda kod jedne osobe, na način da je,

dok se navedenim vozilom nalazio na prilaznom putu prema objektima .. banke i fondacije ... koje se nalaze u neposrednoj blizini navedene adrese, u namjeri da se uključi na saobraćajnicu u ulici A. otpočeo radnju vožnje unazad, a da se prethodno nije uvjerio da to može učiniti bez opasnosti za druge učesnike u saobraćaju i ne vodeći pri tome računa o položaju vozila i pravcu i brzini kretanja, te nije postavio lice koje će mu omogućiti bezbjedan izlazak vozila na put ili na drugi način obezbijedio bezbjedno uključanje na put, svjestan da zbog toga može nastupiti zabranjena posljedica, ali je olako držao da ona neće nastupiti ili da će je moći spriječiti,

pa je postupajući suprotno odredbama iz člana 36. stav 1. i 2. Zakona o osnovama bezbjednosti saobraćaja na putevima BiH, vozeći tako preduzeo radnju vožnje unazad bez postavljanja lica koje će mu omogućiti bezbjedan izlazak vozilom odnosno da na drugi način obezbijedi bezbjedno uključanje na ulicu/saobraćajnicu A., kada se u tom trenutku iza vozila kretala pješakinja A. H., te nije poduzeo radnju usporenja niti je reagovao na upravljački mehanizam u cilju izbjegavanja kontakta sa pješakinjom, kojom prilikom je došlo do kontakta sa zadnje desne strane pješaka A. H. sa nadolazećim vozilom ... koje se kretalo unazad prema A. H., uslijed kojeg udara je A. H. zadobila tjelesne povrede u vidu kompresivnog preloma trećeg slabinskog kralješka (pršljena), preloma četvrtog rebra sa desne strane grudnog koša, preloma donje grane desne stidne kosti, nagnječenja desnog kuka i nagnječenja desnog lakta sa oguljotinom kože, koje

povrede čine jednu cjelinu i ukupno se kvalifikuju kao teška tjelesna povreda, a koje su konstatovane u JU KB Zenica

dakle, iz nehata, kao učesnik u saobraćaju na putevima ne pridržavajući se saobraćajnih propisa time tako ugrozio javni saobraćaj da je doveo u opasnost život ljudi uslijed čega je prouzrokovana teška tjelesna povreda kod jedne osobe

čime bi počinio krivično djelo „Teška krivična djela protiv sigurnosti javnog saobraćaja“ iz člana 336. stav 3. u vezi člana 332. stav 3. u vezi sa stavom 1. Krivičnog zakona Federacije Bosne i Hercegovine (KZ F BiH).